

BL

1719

.9

Augustus

De
ymnis
orum
aris

~~245.4~~

Sem.

Aut

Class

Book

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON

C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER

472.3

HASKELL

DE
HYMNIS SYRORUM SACRIS.

~~~~~  
DISSERTATIO

QUA

PATRI DILECTISSIMO

ERN. FRID. ANT. AUGUSTI

PASTORI ICHTERSUSANO ET DIOECESIOS ICHTERS-  
HUSANAE, WACHSENBURGENSIS ET CELLA-NIGRO-  
VALLENSIS SUPERINTENDENTI

SACRA MUNERIS ECCLESIASTICI  
SEMISAECULARIA

PIA MENTE GRATULATUR

FILIUS

IO. CHRISTIANUS GUIL. AUGUSTI

THEOLOGUS VRATISLAVIENSIS.

---

VRATISLAVIAE, *Breslau*

APUD IO. FRIDER. KORN, SEN.

MDCCCXIV.

SECRET

---

*De hymnis Syrorum sacris.*

---

**D**e Hymnologia ecclesiae Syriacae antiquissima nil certi constat. In usu fuisse hymnos sacros non solum ex communi ecclesiarum orientalium more et consuetudine \*) colligi, sed etiam plurimis testimoniis hitoricis probari potest. Secundum Socrat. H. E. Lib. VI. c. 8. consuetudo *hymnos antiphonos* canendi in ecclesia Antiochena ab *Ignatio* (qui per visionem edoctus fuit ad Angelorum imitationem S. Trinitatem hymnis antiphonis laudare) originem duxit. Sed Theo-

---

\*) Morem hymnos canendi ab Orientalibus ad Occidentales transiisse testatur Augustin. Conf. IX. c. 7. hisce verbis: „Tunc hymni et Psalmi ut canerentur, secundum morem Orientalium partium, ne populus moeroris taedio contabesceret, institutum est, et ex illo in hodiernum retentum.“ Conf. Basil. M. Ep. 63.

doretus H. E. II. c. 24. (et ante eum Theodor. Mopsuest. apud Nicetam) narrat: Flavianum et Diodorum, monachos sub Constantino M. viventes, hujus moris extitisse auctores. Recte tamen monuit *H. Valesius* ad Socrat.: „Syros diu ante Flavianum et Diodorum Psalms Davidis antiphonatim cecinisse, cum Flavianus et Diodorus solum Antiphonas suas ex Syrorum lingua in Graecam transtulisse atque graece Antiochiae cani fecisse tradantur.“ Conf. Sozomen. H. E. III. c. 20. et Philostorg. III. c. 13.

Artemonis (Haeresiarchae, cujus patria atque aetas ignota) haereticas opiniones restaurasse dicitur *Paulus Samosatenus*, Antiochenus Episcopus: ἀνεκαίνισε τὴν αἵρεσιν τοῦ Ἀρτεμωνος, τοῦ ποτε ὄντος ἐν ἀρχῇ προ ἑτῶν πολλῶν, καὶ ἐσβεσμένου. Epiphan. haeref. LXV. §. 1. Cf. Euseb. H. E. V. c. 28. et Epist. Simeonis Beth - Arsamensis in *Affemanii* Bibl. Orient. T. I. p. 347.). Is vero hymnos, quos ecclesia Antiochena in honorem Jesu Christi cantare solebat, abrogabat. Euseb. H. E. VII. c. 30. Cf. *Mosheim.* de rebus christ. ante Constant. M. Helmstad. 1753. p. 703: „Non dicunt Episcopi, a quibus arguitur, eum ideo hymnos istos rejecisse, quod errores continerent, sed quod novi essent et a recentioribus hominibus compositi. Plura non addunt; sed intelligo, quid hoc rei sit. Paulus consuetis Christianorum carminibus repudiatis, tanquam recentioribus, veteres Davidis psalms



in eorum locum substituebat, aut hos solos cani volebat.“ Dicuntur illi hymni, quos Samofatenus abrogatos esse voluit, ὕμνοι θεολογούντες, quibus Christum ut Deum celebrare solebant. Auctor anonymus, quem Eusebius H. E. V. c. 23. laudat, quemque *Cajum* fuisse probavit H. Valesius, provocat ad antiquissimum et unanimem de divinitate Christi fidem et addit: ψαλμοὶ δὲ ὅσοι καὶ ὡδαὶ ἀδελφῶν ἀπ’ ἀρχῆς ὑπο πιστῶν γραφείσαι, τὸν λόγον τοῦ Θεοῦ τὸν Χριστὸν ὑμνοῦσι θεολογούντες. Hoc igitur certum, apud Antiochenos Saec. III. in usu fuisse hymnos sacros, qui capita quaedam theologiae christianae exprimebant selecta.

Sed audiamus ipsos in re domestica Syros. Traditio est vetustissima ad hunc usque diem in Oriente conservata, Liturgiam ecclesiae Antiochenae a *Jacobo Apostolo* fuisse institutam, hancque a *Johanne Indico* (qui Concilio Nicaeno a. 325. interfuit) ad Indos fuisse delatam \*). De ecclesia Edessena in vita *S. Ephraemi Edeffeni* lingua Syriaca conscripta apud *Affemanium* in Biblioth. Orient. T. I. p. 47. haec traduntur:

---

\*) Cf. librum: *A Journey from Madras through countries of Mysore, Canara and Malabar*. By Claud. Buchanan. Edit. 2. 1812. Voll. 3., ubi prolixius de statu ecclesiastico Syrorum christianorum in India (in provincia Mayala, Tanjore et Travancore) agitur.

„Jam vero satis edoctus (Ephraem), quantum Edesseni musica cantuque caperentur, illosque a profanis et inhonestis lusibus choreisque avocare cupiens choros Virginum instituit docuitque odas sublimibus et spiritualibus sententiis compactas de Christi nativitate, baptismo, jejunio, passione, resurrectione, ascensione, deque reliquis mysteriis divinae illius dispensationis: quibus adjecit alios hymnos de Martyribus, de poenitentia, de defunctis, effecitque ut puellae foederis ad ecclesiam convenirent cunctis Domini solemnitatibus et Martyrum celebritatibus atque diebus dominicis. Ille vero velut pater et spiritus citharoedus in medio aderat docebatque modos musicos et modulandi carminis leges, qua optima arte civium sibi gratiam ac benevolentiam peperit et adversariorum aciem retudit atque dissipavit.“ Ephraemum hymnos suos sacros inprimis *Bardefani* et ejus filio, sive potius discipulo, *Harmonio* opposuisse narrat auctor compendii histor. eccles. in Cod. Vatic. N. 24. ex quo Assemanius l. c. p. 43. fragmentum dedit: „Et quoniam Harmonius Bardefanis filius cantica quaedam olim composuerat et modorum suavitati impietatem admiscens, audientium animos demulcebat, et ad exitium pertrahabat, ipse (Ephraem) modorum compositionem inde mutuatus, pietatem canticis permiscuit, et suave simul et salutiferum medicamentum audientibus exhibuit. Atque haec cantica

festos Martyrum dies laetiores ac splendidiore  
etiamnum efficiunt.“ Cf. ibid. p. 118. Idem  
confirmant Sozomen. H. E. III. c. 16. et Theo-  
dor. IV. c. 29. coll. I. c. 22.

Ex his colligi potest, hosce hymnos in hi-  
storia dogmatum maximi esse momenti. Nemo  
enim negabit, ea, quae consilio dogmatico-po-  
lemico scripta sunt, iis, quae vel enthusiasmo  
poetico vel studio ascetico originem debent, lon-  
ge esse praeferenda. Res enim non *αισθητικως*,  
sed *δογματικως* est dijudicanda \*). Non ita au-  
tem intelligenda est illa narratio, ac si Ephraem  
omnium primus fuerit in ecclesia Syriaca hy-  
mnorum fautor et auctor. Hoc enim pugnaret  
cum testimoniis ex scriptoribus eccles. supra al-  
latis. De *Edeffena* solummodo hoc narratur  
ecclesia. Neque a veritate abhorreere videtur, si  
statuas, etiam apud Edessenos, more Antiochenae  
ecclesiae (quae mater et caput reliquarum Syriae  
ecclesiarum dicitur) jam antea hymnos in usu  
fuisse. Hoc tamen certum, omnes injuria tem-

---

\*) Rev. Münter in doctissimo tractatu: *Ueber die äl-  
teste christliche Poesie*, versioni Apocalypseos metricae  
(Edit. 2. Havniae 1806. 8) praefixo, p. 50 haec  
scribit: „*Aber der prosaische Ephraem konnte sich  
unmöglich zu poetischer Begeisterung emporschwin-  
gen.*“ Quo quidem praejudicio aesthetico hymno-  
rum Ephraemiticorum pretio dogmatico nil dero-  
gandum.

poris interiisse, nullosque ad nos pervenisse Ephraemi hymnis antiquiores. Is quidem tot hymnos sacros composuit, ut jure prae caeteris Hymnologus dici posset. Operum hujus Patris editio splendidissima, quam *Assermanio* debemus, paucissimos tamen eorum in fine Tom. VI. p. 600 seqq. exhibet. Eisdem una cum aliis continet *Missale Syriacum*. Romae 1594 et 1716 et *Officium Syr.* Rom. 1656 (parte hiemali). Non omnes tamen, qui in Officiis Syrorum Ephraemi gerunt nomen, ab ipso scripti sunt hymni, sed ita dicti, quia ad normam metri Ephraemici erant compositi. Reliquorum indicem et summaria una cum excerptis singulis locis, dedit *Assermanius* in Bibliotheca Orient. T. I. p. 80 — 139.

Hymnologiae Syriacae quoque recensum habemus in catalogo *Ebed-Jesu*, lingua Syriaca et hendecasyllabis conscripto. Cf. *Asserman. Bibl. Orient. T. III. P. II.* Librum Patriarchae Josuae Bar-Nun: *de virtute hymnorum* (ܐܬܪܬܐ ܕܗܝܡܢܐ), quem Ebed-Jesu l. c. p. 166 laudat, non possumus, nec est quod de ejus argumento et consilio judicemus.

Priusquam autem ad illustrationem singulorum dogmatum ex hymnis ecclesiae Syr. accedamus, a consilio nostro non alienum erit, de Hymnologia Syrorum in universum et de variis vocabulis, quibus carmina sacra insignire solent, quaedam praemonere.

Occurrunt praecipue tria nomina :

- 1) מִצְוָה: orationes, sermones. Comparandum hebr. מִצְוָה et chald. מִצְוָה, quod de praecepto, διδασκαλία etc. dicitur. Respectu formae carmina septem syllabarum aequalibus versibus *Mimre* dicuntur. Interdum conjunguntur: מִצְוָה וְשִׁיר i. e. orationes metricae. 2) מִצְוָה: meditationes sacrae, odae, hymni. Vox Syriaca respondet hebraicae מִצְוָה et arab. مَدْح, quod saepissime de carmine dicitur. 3) קוֹל (cf. קוֹל): voces, toni, intonationes, cantus.

Syri porro carmina sacra vocant: מִצְוָה, carmina; respondet hebr. עֲנוּת Pf. 22, 25, ubi a Chald. LXX et Vulg. per צִלּוֹת et δεισις exprimitur (emendandi igitur de *Wette Commentar über die Psalmen* p. 242. et *Gesenius* in *Lexico* hebr. p. 876). Etiam verbum עֲנוּ, ut arab. عَنَى et غَنَى significat: canere et alternis cantare carminibus (responforiis), ut ex Exod. XV. 21. 1 Sam. XXI. 10. aliisque locis patet. *Unjoto* imprimis sunt Elegi.

מִצְוָה (teschbechoto): laudes, hymni. Occurrit Coloss. 3, 16. et Ephes. 5, 19. Cf. hebr. שִׁבְחָה, laudibus extulit. Pf. 63, 4. 117, 1.

מִצְוָה (sebloto), gradus, scalae.

מִצְוָה (Masmure) et מִצְוָה (Semiroto).

ψαλμοι cf. hebr. מִזְמוֹר et מִקְרָא, cantus. In locis parallelis Coloss. 3, 16 et Ephes. 5, 19. legimus: **ܒܨܠܡܝܢ** (ψαλμοις) **ܕܠܥܒܕܐܠܗܐ** (και ὕμνοις) **ܕܢܦܝܣܝܢ** (και ὕδαϊς πνευματικαῖς).

**ܒܠܘܬܐ** (Bouto), precationes.

**ܕܠܘܬܐ** (Zeluto), preces, cf. arab. صَلَوةٌ.

Distinguuntur etiam **ܕܠܥܒܕܐܠܗܐ** i. e. *compositiones super Alphabetum* s. carmina alphabetica, qualia Hebraei amant. *Ebed-Jesu* (Catalog. libr. Syr. ap. Asseman. bibl. Or. T. III. p. 63) ejusmodi carmina Ephraemo tribuit, quorum unum (de amore doctrinae a *Ger. Vossio* latine editum) superest \*). Ejusmodi carmina lusus potius ingenii, quam *δογματων ἀκριβειαν* continere, tuto supponi potest.

Plerumque sub nomine **ܕܠܥܒܕܐܠܗܐ** Syri intelligunt carmina sacra, quibus dogmata aut praecepta proponuntur, mysteria expanduntur, futura depinguntur. Sed **ܕܠܥܒܕܐܠܗܐ** κατ' ἐξοχὴν sunt laudes Martyrum, Sanctorum, Angelorum et

---

\*) *Abraham Ecchellenfis* seductus | significatione vocis **ܕܠܥܒܕܐܠܗܐ** alibi usitata vertit: „Appositiones Alphabeti“ et de *punctis Syrorum vocalibus* intelligit, quorum inventorem Ephraemum nostrum habet. Quem explosum vide ab *Assemano* in *Bibl. Or. T. III. p. 63. coll. T. I. p. 58. 59.*

Deiparae (ܩܕܝܫܬ ܕܥܡܝܐ, quod ecclesia Syriaca etiam hymnis strenue defendit contra Nestorianum Χριστοτοκος).

His praemonitis de usu Hymnorum ecclesiae Syriacae dogmatico-historico observationes quasdam adjiciamus.



Quod libri symbolici ecclesiae nostrae de ecclesia in genere dicunt: „eam esse non tantum societatem externarum rerum et rituum, sicut aliae politicae — — — sed tamen habere externas notas, ut agnosci possit“ etc. (Apolog. Aug. Conf. art. IV. p. 144) — id de quavis ecclesia particulari in specie praedicari potest. Jam dudum observata a VV. DD. geographica quaedam ecclesiarum diversitas, et variarum familiarum ecclesiasticarum dispensatio. Alia enim est forma et conditio interna ecclesiae orientalis et occidentalis, alia porro Romanae, Carthaginienfis, Gallicanae etc. Similiter etiam Oriens varias protulit formas, ita ut variis notis atque signis quamlibet ecclesiarum familiam distinguere possis. Magnum deprehenditur inter Graecos et Syros pro ratione temporis, status politici, disfidiorum internorum atque externorum, praesulum denique et doctorum discrimen. Haec ad doctrinae tropum et dogmatum mutationem multum contulerunt.

Si scimus, ecclesiam Syriacam modo cum Alexandrinis, modo cum Graecis str. s. d. (Constantinopolitanis, Ephesinis, Caesareensibus etc.)

modo cum Romanis arctius fuisse conjunctam atque unitam, sique controversas et haereses perpendimus, quibus vexati fuerunt Syri, facile dogmata praecipua a doctoribus hujus ecclesiae ventilata et exornata inveniemus.

*Gnosticorum* patriam atque theatrum proprie Syriam dixeris. Ibi enim *Saturninus*, quem Menandri discipulum veteres scriptores perhibent, dualismum suum docuit, quem postea *Bardeſanes*, Valentinus auditor, et *Harmonius* propagavit. In ecclesia Syriaca *Marcionis* et *Manetis* inveniuntur pedisequi et *Chaldaeorum* sectatores. Contra Bardeſanem et Harmonium hymnos suos scripsit Ephraemus, ut supra testimoniis historicis firmavimus; nec defunt vestigia in libris, qui ejus nomen ferunt. In hymnis Ephraemiticis contra Bardeſanem, Marcionitas, et Manichaeos, quorum argumenta excerptit *Affemanius* in Bibl. Or. T. I. p. 118 seqq. doctrina orthodoxa de Dei unitate et monarchia, de providentia, diabolo, immortalitate animarum etc. vindicatur, admixtis multis, quae ad historiam dogmatum et haeresium spectant. Ex his prae caeteris memoratu digna videntur, quae de origine *Manichaeismi Indica* dicuntur. Vocat Ephraem doctrinam Manetis de duobus principiis pugnantis p. 122. ܡܢܗܝܢܐ ܕܡܢܗܝܢܐ (Schukro dmen Hendu): errorem ex India. Hoc certe non ita intelligendum, ac si Manes (ܡܢܗܝܢܐ) ex India oriundus fuerit, sed prima



ejus haereleos flamina in India (in libris Brahmanicis) esse quaerenda, in quo etiam Epiphanius (Haeres. LXVI. §. 2. 3.) aliquatenus consentit. Pariter cum *Assemano* l. c. p. 122. coll. p. 127. Manetem *Babylonium* dicere nolim; nam phrasis:  (dmen Bobel) *morem* potius *Babyloniorum*, quam ortum ex hac regione significare videtur, secundum notissimam illam etymologiam, quae vocem בבל a בלל, miscuit, perturbavit, derivare solet. *Babylonius* itaque idem exprimit quod formula statim adnexa:  : *non prudens*.

*Nestorianismi* porro atque *Eutyhianismi* errores in ecclesia Syriaca multos nacti sunt fautores atque patronos. Ipse Nestorius natione Syrus et Episcopus Antiochenus fuit. Johannes Antiochenus, Barsumas, Ibas alique ejus amici. *Monophysitarum* adeoque interdum res in Syria diu prosperarunt et regnarunt. Contra horum erroneas de Jesu Christi persona et sacra coena sententias Syri orthodoxi doctrinam symbolicam defendere summa contentione annisi sunt, idque decretis Synodorum, libris dogmatico-polemics, et liturgicis effecerunt. Doctores Antiochenos in terminis technicis prae caeteris fuisse religiosos atque accuratos, imprimis Alexandrinis accuratiores, probare studet Rev. *Münter* (de schola Antiochena. Hafniae 1811. §. 6. p. 22 seqq.).

Nil frequentius in libris Officiorum formula: Beatam Virginem non esse ܡܬܪܝܢܐ ܕܡܪܝܡ: *matrem Christi* (Χριστοτοκον), sed: ܡܬܪܝܢܐ ܕܥܡܝܢܐ: *matrem Dei* (Θεοτοκον, Deiparam) dicendam. Damnatur formula: „*Christum duas esse naturas duasque personas, quae in Prosopo filiationis unitae sunt.*“ V. Asseman. Bibl. Or. T. II. p. 211. Ostenditur usus pariter atque abusus vocabulorum: ܡܥܡܕܐ (οὐσία, substantia), ܡܥܥܬܐ (essentia), ܡܥܬܐ (φύσις, natura), ܡܥܥܬܐ ܕܥܡܝܢܐ (ὑπόστασις i. e. individuum, quod cum aliis eandem naturam habet communem. Nestorius in Christo δύο ὑποστάσεις, sed ἐν προσώπων statuebat), ܡܥܥܬܐ (πρόσωπον, persona), ܡܥܬܐ (ܥܝܢܐ, εἰκών), ܡܥܬܐ (voluntas), ܡܥܬܐ (operatio), ܡܥܬܐ (virtus, δύναμις), ܡܥܬܐ (ܡܥܬܐ, potestas, dominatio). Haec autem vocabula Catholicorum atque Haereticorum esse Schibboleth omnemque fere controversiam theologicam in hisce capitibus ab eorum usu vel abusu pendere, neminem fugit. Huc quoque spectat formula illa in *τρισάγω*, quae tantopere Orientem commovit, cujus auctor est Petrus ὁ γναφεύς: *qui crucifixus es pro nobis.* Neque minus altera formula: ܡܥܬܐ ܕܥܡܝܢܐ ܡܥܬܐ ܕܥܡܝܢܐ ܡܥܬܐ ܕܥܡܝܢܐ: *Unus ex S. Tri-*

nitate incarnatus et passus est, quam Xenajas Mabugenfis primum introduxit \*).

Etiam in causa Pelagiana, quamvis exotica, Syri sunt audiendi. De gratia et libero arbitrio hymni Ephraemitici disputant contra Pelagianos. Sunt tamen etiam hymni nonnulli in Officiis Syr., qui Pelagianismum sapiunt. Exempla collecta videas apud Asseman. Bibl. Or. T. I. p. 104. 105. \*\*) Idem valet de controversiis

\*) Cf. Asseman. Bibl. Or. T. II. p. 27. 36. Vulgo Monachis quibusdam Scythicis haec formula adscribitur.

\*\*) Non possum non quin hic apponam locum ex Chronico Edeffeno n. 55. ubi legitur: „Anno septingentesimo trigesimo nono (i. e. A. Chr. 428) emerfit Haeresis asserentium: *Peccatum naturae insitum esse*.“ Assemanius (Bibl. Or. T. I. p. 407) putat, particulam negationis *QΔ* (nequaquam) excidisse, ita ut sensus sit contrarius: *Haeresis asserentium: peccatum nequaquam naturae insitum esse*. Quo facto auctor (qui post annum 540 vixit) a Pelagianismo prorsus abhorreret et Orthodoxus fieret. Nodus Gordianus non solutus, sed ense critico rescissus! Meliora tamen ipse Assemanius l. c. p. 403. suadet, statum controversiae de peccato originali inter Orientales et Occidentales innuens. Auctor Chronici hoc in causa asseclam Theodori Mops. (de cuius opere: *Contra Asserentes: peccare homines natura, non voluntate* vid. Photii Bibl. cod. 177 et Norisii Hist. Pelag.) se prodit. Marius Mercator in Commonitorio de nonnullis

particularibus vel inter Syros ortis vel forinsecus illatis e. gr. Audianorum, Collyridianorum, Meletianorum. Ad accuratiorem cognitionem eorum dogmatum et terminorum technicorum multum conferunt Syrorum hymni.

Cum hymni Ephraemitici omnium, quos possidemus, sint antiquissimi et ad usum dogmatico-historicum, ut jam supra monuimus, praestantissimi, liceat nobis, pro ratione hujus libelli, ex illis quaedam delibare, quae consilio nostro quodammodo inservire posse videntur.

I. In hymno, qui latine in Ephraemi Opp. T. VI. p. 604 et in Missali Syr. Rom. 1716. p. 20 legitur, duplex Jesu Christi status hisce describitur verbis:

---

*Syrorum* loquitur, qui cum Theodoro M. faciant et doceant: Progenitores humani generis, Adam et Evam, mortales a Deo creatos etc. Cf. Opp. ed. Baluz. p. 339. Similiter quoque *Jo. Chrysostomus* peccatum originis eo sensu, quo paulo post ecclesia latina accipiebat, negavit. Cf. *Horn* de sententiis eorum patrum, quorum auctoritas ante Augustinum plurimum valuit de peccato originis. Goettingae 1801. 4. §. 15. Idem Theodorus negavit, mortem esse poenam peccati, et Adamum a Deo immortalem creatum. Cf. *Münter* de schola Antiochena (vers. germ. in *Stäudlin's und Tzschirner's Archiv für alte und neue Kirchengeschichte* 1 B. 1 St.) p. 30.

Recordamur in oratione  
 Super incensum hoc suavitatum  
 Annunciationis tuae, Domine, et Conce-  
 ptionis,  
 Nativitatis et Nutritionis tuae,  
 Baptismi et Humiliationis tuae,  
 Et Crucifixionis tuae pro nobis,  
 Mortis et Sepulturae tuae,  
 Excitationis et Resurrectionis tuae,  
 Ascensionis tuae in coelum,  
 Ac Sessionis tuae ad dexteram,  
 Et totius Dispensationis tuae,  
 Quam operata est apud nos voluntas tua.

In delineatione status *κένωσεως*, quinque gradus, ut Dogmatici loqui solent, sive quinque momenta distinguuntur, ita ut Annunciatio et Conceptio, Nativitas et Nutritio unum efficiant momentum, et sub *Humiliatione* tota Christi conditio terrestris, vita inter Judaeos etc. intelligatur, in quo etiam Theologi nostri consentiunt. Ast in status *ἐνδοξου* descriptione omissus est *Reditus Christi ad iudicium*, qui semper a Sessione ad dexteram Dei discernitur. Praeterea silentio praetermissus *Descensus Christi ad inferos*, quem Theologi modo statui exinanitionis modo exaltationis annumerant. Notum quidem est, in vetustissimis quibusdam ecclesiae christianae symbolis de descensu ad inferos nihil legi, in aliis

autem sepulturae mentionem omitti \*); unde quidam Theologi nullum discrimen inter descensum ad inferos et inter sepulturam faciendum esse statuerunt. Haec tamen sententia exegeticis et historicis destituta est argumentis, neque ad locum nostrum accommodari potest. Omissio descensus ad inferos in vetustioribus symbolis inde explicanda videtur, quod hoc dogma ante haeresin Apollinaristicam nondum fuit controversum (cf. *Walch. Biblioth. Symbol. vet.* p. 139 seqq.); quod tamen de tempore, quo scriptus est hymnus noster, non valet amplius. Deesset etiam iusta explicandi ratio, cur itidem Reditus ad iudicium (de quo cum Chiliastris controversia) silentio sit suppressus.

Mihi quidem verba: „*totius operationis tuae, quam operata est apud nos voluntas tua*“, veram hujus omissionis causam continere videntur. Hoc nimirum auctor voluit, ut cogitetur de universa Jesu Christi historia terrestri, de his, quae ipse ante oculos quasi nostros fecit, quaeque coram hominibus a Deo ejus causa facta sunt. Habes hisce verbis epitomen historiae evangelicae, quae ab Annunciatione incipit et Sessione ad dexteram Dei finitur. Cf. Marc. XVI,

---

\*) Cf. *Dietelmaier* Hiftor. dogmat. de descensu Chr. ad Inf. liter. Ed. 2. 1762. §. 90. et *Pott* Excurf. ad I Petr. 3, 19. in *Epistol. cathol.* Vol. II. pag. 301 seqq.

19 : Ὁ μὲν οὖν Κύριος — — — δεξιῶν τοῦ Θεοῦ.  
De Descensu Christi ad inferos Evangelistae nihil  
habent, et Reditus ad iudicium nec Marcus nec  
Lucas (in evangelio) memoriam injiciunt. Quae  
quidem explicandi ratio si minus probabilis vi-  
deatur, nil superest, quam ut fateamur, haec  
duo momenta in historia J. Chr. sublimiori vel  
ex negligentia, vel ex consulto esse omissa \*).

II. Nil frequentius apud Patres antiquos  
comparatione Christi cum Adamo, qua jam Ap.  
Paulus praecefferat. Sed rarius *Mariam*, Dei-

---

\*) Forte non ingratum erit ex *Hymno Armenico* (Moy-  
sis Chorenensis, ut putatur) similem locum ap-  
ponere :

Descendisti, Domini, et incarnatus fuisti e  
Virgine,

Et terrestrem naturam nostram

Liberasti a peccatis.

Adscendisti, Domine, et affixus fuisti cruci,

Mori in te recepisti

Vitam daturus mortuis.

Positus fuisti, Domine, sub noviter exciso  
lapide,

Et annulo (sigillo) obsignatus fuisti,

Tu, qui es thesaurus vitae mundi.

Resurrexisti, Domine, destruxisti inferos,

In coelos adscendisti

Et a dextera patris consedisti.

V. Libr. Canticum s. Hymnor. Eccles. Armen.  
Armen. et latine. Amst. 1702. p. 339. Cf. *Schroe-  
deri Thesaur. Linguae Armen.* 1711. 4. p. 231.

param; et *Evam*, communem generis humani matrem, comparatam invenies, quamvis non prorsus omittitur parallelismus ille, ut ex *Iren. adv. haeref. Lib. V. c. 19.* patet. A Syris tamen frequentius adhibetur. Ephraemus tres huic comparationi hymnos dicavit. Cf. *Affeman. Bibl. Or. T. I. p. 90.* Horum primus ita incipit:

לְזֶלְכָּךְ כִּי־נִלְכָּךְ בְּמַגְלָה

מִלְכָּךְ וְכִי־נִלְכָּךְ בְּמַגְלָה

נִלְכָּךְ בְּמַגְלָה וְכִי־נִלְכָּךְ בְּמַגְלָה

Ambae purae, ambae integrae,  
Marjam et Chawo, positae in comparationem,

Una caussa mortis nostrae, altera vitae nostrae.

*Affemanius* l. c. verbum priorem ita vertit:

Ambae sine noxa, ambae simplices, quae tamen versio non satis est accurata, nam vocabulum כִּי־נִלְכָּךְ non est negative: *sine noxa*, sed attributum positivum exprimit, et vel *purae* (ut hebr. בָּרָה e. gr. Psalm. 24, 4. 73, 1. ubi בָּרָה לֵב per לִבְכוֹסֶה: in puritate cordis, redditur cf. Actor. 2, 46), vel *electae* sc. e. profanis, vertendum. Item בְּמַגְלָה per: *simplices* non bene expressum. Versio illa N. T., quae ita vocatur (Peschito i. e. orthodoxa; secundum alios: simplex i. e. litteralis et fida) interdum ἀπλούς per בְּמַגְלָה exprimit, ut Matth.



6, 22; sed ibi ἀπλους ὁφθαλμος est idem quod ὁλοκληρος i. e. oculus integer et sanus. Cf. porro Rom. 16, 18: καρδίας των ἀκακων, et Ebr. 1, 8. 2 Cor. 11, 3. Disparata autem est comparatio, ut illa Apostoli inter utrumque Adamum, Rom. 5, 12 seqq. 1 Cor. 15, 21. 22. 45. Eva tam in statu innocentiae quum in statu post lapsum consideratur. Lusus verborum in aprico est. *Chavo*, ut Genes. 3, 20. legitur, habet inde nomen: חַיָּה i. e. *mater omnium viventium*, fit propter inobedientiam *caussa mortis*. *Mariam* autem, quod nomen vel a מָרִי: rebellis fuit, vel a מָרָר: acerbus fuit, derivatur) vitae fuit causa, dum intaminata et pura illum peperit, qui sine peccato et omnium מְלֵאךְ (Κυριος) fuit.

In hymno 5 de Adamo et Eva idem dicitur. Hymnus autem 23 de virgin. haec habet:

Quemadmodum ex parvulo sinu illius  
(Evae) auris

Ingressa et infusa est Mors:

Ita et per novam aurem Mariae

Ingressa et infusa est Vita.

Formula: בְּיָדוֹ אֶת־הָאָזְנוֹ: *per manum* (i. e. instrumento, per) *auris novae* respicit auctor cum aurem antiquam (inobedientiae) Evae, tum locum Ps. 40, 7. et Jes. 50, 4. 5., ubi פָּתַח vel אָזְנוֹ הָעֶרֶב signficat: obedientem reddere. Eva mandatum Dei spernens infusurationibus ser-

pentis aurem praebuit: Maria contra fidem habens Deo gratiam meruit et digna facta, quae Θεανθρωπον et generis humani Σωτηρα pareret.

Secundum *Mariolatras* evangelicum illud *Ave*, qua Archangelus b. virginem salutavit, per inversionem ductum est ab *Eva*, quia *Maria* remedia salutaria contra mala, quorum *Eva* caussa fuit, protulerit. Cf. Breviar. Roman. ubi legitur de Maria:

Sumens illud Ave,  
Gabrielis ore,  
Funda nos in pace  
Mutans Evae nomen.

Etiam *Cornelius a Lapide* (Commentar. in Gen. 3, 20) scribit: „*Eva* per aphaeresin est *Ve*, per anastrophen *Ave*, quam vocem ad Mariam, cuius typus fuit *Eva*, Gabriel detulit.“ In *Heideggeri* Histor. Patriarch. Vol. I. p. 120. haec expositio sub titulo „ineptiarum frigidarum“ recensetur. Pergit auctor: „Quid commune habet proprium nomen מרים cum *Ave*; nam nomen *Eva* corruptum esse et a Graecis interpretibus male redditum, quis ignorat? Deinde Angelus an b. Virginem Mariam latine affatus est? An illa idiomatis latini gnara? Et tamen gnara fuerit, si Angelus eam latina voce *Ave* compellavit!“ Melius forsan haec tacuisset bonus *Heideggerus*. Formula enim salutandi *Ave* s. *Have*, ut inter omnes constat, ex Oriente originem

habet et a ויח (vixit) deducitur. Notissima sunt verba Meleagri carm. 125, 7. 8.:

Αλλ' εἰ μὲν Συρος ἔσσι Σελομ (סֶלֶם)· εἰ δ' οὖν  
 συ γε Φοινίξ

Αὐδονίς· εἰ δ' Ἑλλήν Χαίρει· το δ' αὐτο Φράσον.

Ibi Αὐδονίς nihil aliud est, quam וְאֲדֹנִי הִנֵּה:  
 vive domine! Adde Plautum in Poenulo Act. V.

Sc. II. v. 993: „Havo — salutat — donni.“

V. 995 — 96:

Saluta hunc rursus Punice verbis meis.

Haudoni, hic mihi tibi inquit verbis suis.

Cf. quae Ven. Bellermanni observavit ad h. l. in libro doctissimo: *Versuch einer Erklärung der punischen Stellen im Poenulus des Plautus. II. St.* Berol. 1807. 8. p. 12 — 16.

III. In hymno Ephraemi (Opp. T. VI. p. 605.) legimus hanc strophē:

Panem et vinum introduxit sacerdos in Sancta  
 Sanctorum:

Sacramentum Corporis et vivi Sanguinis Filii  
 Dei.

Mortem Jesu et crucifixionem ejus ibi commemorat:

Et accedunt adveniuntque omnes Spiritus, ut  
 sese oblectent.

Quid sint רִּשְׁמוֹן וְאֲנִי ambigitur. Possunt sine dubio intelligi *Spiritus coelestes* s. *Angeli*, qui ἐπιθυμούντες παρακύψαι (ut Apost. Petrus Ep. I. c. I, 12 dicit) laetantur, ubi Chrificolas sacram

coenam celebrare vident et sacram eorum turbam quasi praesentia sua et praesidio circumdant, sicuti e contrario Daemones tristitia adficiuntur et in fugam convertuntur. Cf. Augustin. de civ. Dei XXII. c. 8. §. 6. Sed rectius forsan simul de *animis piorum ante Christi tempora* cogitandum. Nam in antecedentibus sermo est de *oblatione, quae pro fit mortuis*, et in fine hymni occurrit doxologia :

Gloria Patri, qui suscepit sacrificium Abrahami  
justi,

Et adoratio Filii, qui a gladio Isaacum liberavit,  
Gratiarum actio Spiritui, qui iusti Noae holocaustum accepit:

Unum in numero trium; ipsi gloria.

Ex quo patet, auctorem sacrum imprimis cogitasse de *animis Patriarcharum*, quae, cum ante saecula essent in corporibus, de Jesu Christi persona et meritis divinitus admoniti beneficia et sacramenta novi foederis praegustarunt (si quidem de Abrahamo narratum legimus Joan. 8, 56: ἡγαλλιασατο ἵνα ἴδῃ τὴν ἡμέραν τὴν ἐμὴν, καὶ εἶδε, καὶ ἐχαρή), vel quae post fata superstites et ἐν κολπῷ τοῦ Ἀβραάμ (Luc. 16, 22. 23.) degentes etiam nunc φανερωσιν τοῦ μεγάλου Θεοῦ ἐν σαρκὶ celebrant et mortem Jesu ejusque crucifixionem commemorant.

Hujus opinionis vestigia apud veteres occurrunt scriptores. *Augustin.* contra Faust. Man.

XX. c. 21. scribit: „Hujus sacrificii caro et sanguis ante adventum Christi per victimas similitudinum promittebatur: in passione Christi per ipsam veritatem reddebatur; post ascensum Christi per Sacramentum memoriae celebratur.“

Objici quidem posset: usum loquendi נפש (animam) postulasse, cum נפש vel spiritum, vel ventum significet. Falso; nam *Nephesch* nihil aliud est quam medium s. copula, qua רוח et הארמה עפר מן eonjunguntur et cohaerent, teste Gen. II. 7. et Cohel. XII. 7. ubi expressis legitur verbis: והרוח השוכב אל-אלהים אשר נתנה. Cf. 1 Reg. X. 5. Cohel. III. 19. 21. VIII. 8. Num. XVI. 22. Nec dissentiunt Arabismus et Syriasmus. Amant quidem Syri formulam: נפש נפש i. e. *anima requiescens*, sed hoc solummodo respectu hujus vitae ejusque aerumnarum dicitur. Anima dissolvitur, sed spiritus intellectualis manet post mortem, et, quem in hac vita inchoaverat, in altera continuat cultum.

---

Hanc qualemcumque de hymnis Syrorum dissertatiunculam cur Tibi, PATER DILECTISSIME, consecratam esse velim, non est quod multis exponam verbis. Dies, quem hodie celebras, est Tibi Tuisque, si quis alius, festus atque hymno sacro dignissimus. Explevisti nuper

(d. 25 Martii h. a.) muneris ecclesiastici laudabiliter ac feliciter gesti annum quinquagesimum, et bis eo die concionando Deo O. M. pro tot beneficiis, quo totam Tuam vitam vegetamque senectutem exornavit, preces cordis devoti et gratiarum actionem obtulisti. Sed liberorum et nepotum desideriiis annuens huncce diem publicae feriatiōni sacrum esse voluisti.

En adsunt ad Patris et Avi charissimi sacra semisaeclaria omnes liberi et nepotes Tui Gothani, Jenenses, Vratislavienses! Adsunt itidem laetabundi et Soror unica adhuc superstes, et Socer, vir unicus, quem praeceptorem alterumque veneror parentem, et alia cognatorum atque amicorum chara capita. Circumdat praeterea hanc praesentem feriantium turbam invisibilis beate defunctorum chorus, qui, siquidem animae coelestes curant res terrestres, hodiernum diem videre gestiunt. Laetatur Patris Tui, nostri Avi umbra, Te, quem viginti annos fidelem in munere ecclesiastico socium et deinde successorem habuerat, etiam Jubilaei-socium atque haeredem esse factum. Benedicit luci huius diei Conjugis suavissimae, Matris nostrae post cineres desideratissimae, pia anima, et Tibi, cui ad quadragesimum fere annum felicissimi juncta fuerat matrimonii vinculo, et nobis omnibus, quos in vita charos habuit, fausta quaevis apprecatur. Circumvolant nos denique tenerae

nepotum Tuorum, filiorum praemature et iniquo, eheu, fato nobis ereptorum imagines, Avi Jubilaeum jubila voce excipientes.

O virum felicem, quem (ut cum auctore Ep. ad Ebr. XII. 1. loquar) tale νεφος μαρτυρων circumdat! O senem fortunatum, cui Deus talia parat gaudia! Pauci sunt inter mortales, qui ad Tuos vitae munerisque annos accedunt; paucissimi, quibus hac aetate omnibus, quibus Te adhuc exornatum videmus, corporis animique viribus uti licet; paucissimi denique, qui tantam ac talem, quam Tu, Deo debeant vitae felicitatem. Cuncta fere in vitae septuaginta et septem annorum spatio, fauste et ex voto obtigerunt. Etiam dura quidem et adversa quaedam fata Tibi fuerunt perferenda, quoniam nemo mortalium ab omni parte beatus; sed ita pertulisti, ut non solum exemplo Tuo denuo confirmaretur sententia biblica: τοις αγαπωσι τον Θεον παντα συνεργει εις αγαθον, sed ut etiam virtus Tua, patientia et fiducia in Deum juncta, probaretur et conspicua redderetur. Pari modo in rebus secundis exemplo Tuo probasti, et Deum esse cum suis nihilque valere hominem, nisi divino adjutus fuerit auxilio, et quemlibet suae fortunae esse auctorem.

Non dedecet quidem filium iusta patris laudatio, et profecto nemo candidorum atque cordatorum vitio mihi verteret, si ea de Te

praedicarem, quae omnes, qui Te norunt, uno animo et ore Tibi tribuere solent. Sed malo optimum, quod eligere possum, hoc est Tuum, sequi exemplum, meque ad regulam illam componere, quam in enarranda Patris Tui vita Tibi-  
metipfi praescripseras \*). Hoc unicum silentio praeterire non possum (nam pietas et gratitudo efflagitant), Te in paterno erga liberos atque nepotes amore superari a nullo, Teque per totam vitam Tuis ita vixisse, ut rarissime ejusmodi pietatis et dilectionis inveniatur exemplum. Hoc unicum fatendum, Te tenerrimum illum amorem, quo tres liberi Tui semper fuerunt conjuncti, a prima pueritia illis inspirasse Tuoque confirmasse exemplo. Hoc unicum addam, me Tibi omnia debere, quae sum habeoque. Tu eras, qui filium unicum unice dilectum non nimia (quod saepius ab optimis parentibus committitur peccatum) corrumpere indulgentia, sed severiori, quamvis amore temperata, regeres disciplina. Tu eras, qui effervescens pueri ingenium nec infraenatum esse sineres, nec immodica vi supprimeres. Tu denique eras, qui institutione Tua primum litterarum, sacrarum inprimis, inspirares amorem, et studia Orientalia haereditario quasi in me transferres jure.

---

\*) In libro: *Nachricht von dem Leben und Schicksalen Friedrich Albrecht Augusti.* Gotha 1783. 8. p. 12 seqq.



Multa sunt eaque praeclara, quae in vita Tua expertus es providentiae divinae documenta. Quorum quidem recensum dare cum nil attineat, unicum ex recentissimo tempore commemorari liceat. Calamitatibus belli septennis feliciter superatis, longa nullisque turbis interrupta et patriae et Tibi fuit quies atque tranquillitas. Horrida belli tempestas, quae anno fatali MDCCCVI liberos Tuos Jenenses invasit, Te pacatosque lares Tuos reliquit intactos, et, quod paucissimis contigit, hostem Germaniae communem ne oculis quidem vidisti. Sed anno praecedente eadem fors, quae ante septem annos filium filiamque natu minorem Jenae tetigit, etiam Tibi imminebat. Post proelium immortale apud Lipsiam et fugati et fugantes veluti torrens Thuringiam invadunt exercitus. Verbis exprimere non possum, Pater optime, quot curis, quot angoribus ego, qui intervallo sexaginta miliariorum a Te remotus eram, et quid sit bellum noveram, Tui causa fuerim exagitatus. Quam maluissem iterum tot pericula et horrores subire, si modo perferendo a charo Tuo capite amovere potuissem! Nec sine causa fuit ille timor. Nam sine mora truculentus ex acie miles armata manu irruit sacrata penetralia senis, cuncta depraedatur atque diripit. Turma turmam insequitur, nec dum ulla reverentia cani; pecunia et res, quae dicuntur portabiles, cito rapiuntur, jamque in eo est, ut

ipsum senis inermis spoliatur vestibus corpus. At in isto discrimine adest inopinatum auxilium. Advolant duo juvenes Borussorum signa ferentes ad praesidium senis et auctoritate sua deprædatores facile dispellunt. Liberatur senex ex manibus barbaris; et ecquis liberati describere potest gaudia, cum audit, hosce juvenes esse ex numero egregiorum, quos Universitas litterarum Viadrina Vratislaviensis, tanquam ver sacrum, haud ita pridem ad patriae emiserat defensionem? Gratiola certe Dei providentia factum est, ut illi amorem, quo erga me rectorem et praeceptorem tenebantur, tam praeclaro modo et facto declarare possent. Accedit paucos post dies etiam tertius scholae meae alumnus simili opitulandi flagrans fervore et valde laetatur, quod senem, ad cuius auxilium accesserat, apud Virum, revera Generosum et inclytae *Ruthenorum* gentis ornamentum, liberalissimo hospitio videret exceptum et recreatum.

En, Pater dilectissime, etiam in his Dei digitum! Ex tanto ac tali periculo liberatus vidisti, quod toties ardentissimis votis precibusque Tuis expetisti, laetissimum libertatis Germanicae diem, et laetiores adhuc videbis patriae foles. Singulari Dei beneficio morbus ille contagiosus ac pestilentialis, qui brevissimo tempore plus quam ducentos ex numero eorum, qui spirituali Tuae commissi sunt curae, rapuit, Te

reliquit intactum. Deo ter O. M. debemus hujus diei exoptata gaudia, quo Semisaecularia Tua celebrantes eandem Tibi praestare possumus pietatem, qua olim in tenero aetatis flore, Te duce, Avi nostri post cineres venerandi salutavimus Jubilaeum. En, adsumus nos, et liberi, quos Deus nobis dedit, ad celebrandum diem festum, quem fecit Dominus! En, Pater pie, pio expectore Tibi Psalmistae acclamamus verba:


Ecce, sic benedicitur viro, timenti Jehovah!

Benedicet Tibi Jehova, ut videas bonum  
omnibus diebus vitae Tuae;

Ut videas filios filiorum Tuorum et pacem  
super Israel!

Beatus es, et bonum Tibi erit!

---



BL

1719

9

AUGUSTUS, E. F. A.

DE HYMNIS SYR-

ORUM SACRIS 314749